

## 6. 2. UMUTWE WA II: INZEGO Z'IBINYABIZIGA ZIGOMBA ISUZUMWA-MITERERE

**Ingingo ya 140:**

Igenzurwa ry'imiterere y'ibinyabiziga rishyirwaho n'umutwe wa III (ingingo 3 kugeza kuri 5) z'itegeko n° 34/1987 ryo kuwa 17 Nzeri 1987 ryerekeye imihanda n'uburyo bwo kuyigendamo rirebana n'inzego z'ibinyabiziga zikurikira: (Inzego z'ibinyabiziga bigenzurwa ni izi zikurikira):

- ❖ Ibinyabiziga bikoreshwa na moteri bigenewe gutwara abagenzi;
- ❖ Ibinyabiziga bikoreshwa na moteri bigenewe gutwara ibintu;
- ❖ Ibinyabiziga bikoreshwa na moteri bigenewe kwidagadura;
- ❖ Ibinyabiziga bikoreshwa na moteri byigirwaho gutwara;
- ❖ Ibindi binyabiziga bikoreshwa na moteri.

## 7.3. UMUTWE WA III : IMITUNGANYIRIZE Y'IGENZURA

**Ingingo ya 141:**

Gukoresha igenzura ni itegeko ku binyabiziga byose guhera ku myaka ibiri nyuma yo gushyirwa mu muhanda; Igenzurwa ryose ryakozwe ritangirwa icyemezo kigenerwa urugero ku mugereka wa 12 w'iri teka.

**Ingingo ya 142:**

*Inshuro zisuzumwa ngombwa zizakurikira zigenwa mu buryo bukurikira:*

a) Buri mezi atandatu hazuzumwa:

- ✓ Ibinyabiziga bigenewe gutwara abagenzi muri rusange;
- ✓ Ibinyabiziga bigenewe gutwara ibintu birengeje toni 3,5.
- ✓ Ibinyabiziga bigenewe ibigo byigisha gutwara;

b) Buri mwaka ku bindi binyabiziga bitavuzwe haruguru.

**Ingingo ya 143:**

*Ibinyabiziga bitujuje ibisabwa ntibihabwa icyemezo kibyemerera gushyirwa mu muhanda nyabagendwa. Hagomba gukorwa irindi genzura ryemeza ko amakosa yakosowe mbere yo guhabwa icyemezo.*

**Ingingo ya 144:**

*Amafaranga y'imirimo y'igenzurwa arihwa na ny'ir'ikinyabiziga .Umubare wayo mafaranga ugenwa n'iteka rya Minisitiri ushinze ubucuruzi abisabwe na Minisitiri ushinze gutwara abantu n'ibintu.*